

Mhiko

MHIKO

PANOPERA CHIDZIDZO MUDZIDZI ANOTARISIRWA KUNGE AVA KUGONA

- Kudoma mhiko iri mutsika dzeChiShona.
- Kutsanangura zvierwa nemhiko mutsika dzeChiShona.

Mhiko zvinhu zvisingatenderwi kuitwa patsika yedu yechivanhu.

Mhiko mirairo zvakare yaunofanira kuita neimwe yausingafaniri kuita.

Mhiko inoenderana netsika nemagariro enzvimbo.

Mienzaniso yemhiko iri mutsika dzedu dzechiShona

- Mwana kurara nababa

Izvi zvinhu zvisingatatarisirwi mutsika dzedu kuti baba vanobata mwana wavakazvara kuita mukadzi.

- Veukama kuroorana

Izvi hazvitenderwi patsika yedu nekuti munenge muri veropa rimwe uyezve pamwe muri vemutupo mumwe.

Mwana haatenderwi kuroora hama dzake.

- Kubvisa pamuviri

Hazvitenderwi kubvisa pamuviri mutsika nemagariro edu echiShona.

- Munhu kudya nyama yeumwe munhu

Pachivanhu chedu munhu haatarisirwi kudya nyama yemunhu asi yemhuka.

- Kurova amai

Ukarova amai unotanda botso (kupfeka masaga).

Izvi zvaitirwa kuti vana vakudze uye kusarova vanamai vavo.

- Kudya mutupo

Hazvibvumidzwi kudya mutupo wako nokuti mazino ose anodonha.

Zvinoitirwa kuti mhuka dzisapere nokudyiwa.

- Vakomana vakagara paduri kana papfihwa

Vakadzi vavairoora vaifa.

Izvi zvaitirwa nokuda kwehutano.

- Vanhu vaisabvumidzwa kutsika paguva kana pazvarira mukadzi

Zvainzi vaizoita man'a.

Izvi zvaitirwa kuchengetedza nzvimbo yekumakuva kuti vana vasatambirepo.

- Vakomana kana varume vaisabvumidzwa kudongorera vakadzi vachigeza

Vaizoita shohwera.Izvi zvaitirwa kuti vasaite misikanzwa uye varemekedze vakadzi.

- Vana havaibvumidzwa kudya vachitaura.

Vainzi vaizomera muswe.Zvaiitirwa kuti vave netsika dzakanaka pakudya.

- Mukomana haaibvumidzwa kukukotedza mupoto.

Zvainzi vaizomera mazamu.Izvi zvaiitirwa kuti vasaite nhafu uye vaite tsika dzakanaka.

- Munhu akatorwa nenjuzu

Vanhu vainzi vasacheme.Zvaiitirwa kuti varemekedze tsika dzedunhu.

- Vanhu havaibvumidzwa kufamba nemoto paruvanze

Vainzi vanenge vachidana varoyi pamba.Izvi zvaiitirwa kuti vasapise dzimba nenharaunda.

- Vana havaitenderwa kudya mazai

Zvainzi vaizoita buka.Izvi zvaiitirwa kuti vana vasabe mazai.

Mashura

-Zizi

Zvaishura ukaona zizi masikati

-Nyoka

Ukaona nyoka inonzi mhunzamusha/ ndara zvinoshura rufu nokuti haionekwi-onekwi.

-Hovo

Kanoshura kana kakadambura nzira kana uchifamba.Kanenge kachireva kuti kwauri kuenda hakuna kunaka.

-Gwai

Kana gwai rikachema richiurawa zvinoshura zvekuti zviri nani kuti mutorega kuriuraya.

-Mazino

Kana mwana akatanga kubuda mazino epamusoro zvinoshura.

-Mombe

Kana mombe ikabereka mhuru mbiri zvinoshura.